



Bosnia and Herzegovina
Federation of Bosnia and Herzegovina
CANTON SARAJEVO
Anti-Corruption and Quality Control Office

Broj: 20-04-18506-48/22
Sarajevo, 07.06.2022. godine

SKUPŠTINA KANTONA SARAJEVO
KABINET PREDSJEDAVALAČEG I ZAMJENIKA PREDSJEDAVALAČEG
SKUPŠTINE KANTONA SARAJEVO
n/r Predsjedavajućeg Skupštine

PREDMET: Zastupničko pitanje zastupnice Jasmine Biščević Tokić,
Informacija, dostavlja se.-

VEZA: Vaš akt broj: 01-04-18506-17/22 od 24.05.2022. godine

Uredbom o osnivanju Ureda za borbu protiv korupcije i upravljanje kvalitetom Kantona Sarajevo-Prečišćeni tekst ("Službene novine Kantona Sarajevo", broj 40/20) propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured). Član 5. citirane Uredbe propisuje da je Ured nadležan za preduzimanje aktivnosti na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente, te za postupanje po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama.

Ured je dana 27.05.2022. godine zaprimio zastupničko pitanje zastupnice u Skupštini Kantona Sarajevo, Jasmine Biščević – Tokić, u kojem je navedeno da je Skupština Kantona Sarajevo na 23. Hitnoj sjednici održanoj 19.04.2022. godine usvojila dva amandmana na Prijedlog odluke o davanju saglasnosti na Finansijski plan Zavoda zdravstvenog osiguranja Kantona Sarajevo za 2022. godinu i Odluku o izvršavanju Finansijskog plana Zavoda zdravstvenog osiguranja Kantona Sarajevo za 2022. godinu. Usvojenim amandmanima navedeno je da će se deficitarne usluge zdravstvene zaštite i usluge PCR testiranja ugovorene u skladu sa javnim pozivom smanjiti za iznos od 500.000,00 KM , zatim da se dodaje nova pozicija i to „Sredstva za finansiranje obaveza po amandmanu Skupštine Kantona Sarajevo, za namirenje obaveza prema zdravstvenim ustanovama za prelazak 5 doktora specijalista pedijatrije u JU Opća bolnica „prim. dr. Abdulah Nakaš“ na kojoj se prebacuje umanjeni iznos od 500.000,00 KM.

Drugim usvojenim amandmanom navedeno je da će se planirana sredstva sa namjenom za namirenje obaveza prema zdravstvenim ustanovama za prelazak pet doktora specijalista pedijatrije u JU Opća bolnica „Prim. dr. Abdulah Nakaš“ realizovati na osnovu pregovora i postignute nagodbe potražiocima sredstava na način da se izvršenim plaćanjem okončavaju sve obaveze pedijataru po navedenom osnovu.

S tim u vezi zastupničko pitanje se odnosilo na pravni osnov usvojenih amandmana.

Uzimaju u obzir naprijed navedeno, obavještavamo Vas kako slijedi.

Nakon izvršene analize dostavljenog zastupničkog pitanja, prevashodno ističemo da su djelokrug rada i nadležnosti Ureda propisane Uredbom o osnivanju Ureda za borbu protiv korupcije i upravljanje kvalitetom Kantona Sarajevo, te da shodno tome Ured nema nadležnost da tumači i daje mišljenja na amandmane koje usvaja i donosi Skupština Kantona Sarajevo. S tim vezi ističemo da je predmetni slučaj Ured analizirao isključivo sa aspekta svojih propisanih nadležnosti, koje se odnose na tumačenje činjenica i okolnosti koje mogu predstavljati potencijalni koruptivni rizik, u slučaju realizacije predmetnih amandmana.

Naime, Ured smatra da ovakav način izbora doktora specijalista pedijatrije u JU „Opća bolnica „Prim. dr. Abdulah Nakaš“, kojim se nameće obaveza Zavodu zdravstvenog osiguranja Kantona Sarajevo da izmiri finansijske obaveze ljekara pedijataru po osnovu neokončanog obaveznog odrađivanja određenih godina staža nakon specijalizacije u ustanovama van Kantona Sarajevo koje su i finansirale predmetne specijalizacije tih ljekara, predstavlja koruptivni rizik čija bi realizacija dovela do nenamjenskog trošenja budžetskih sredstava. Pored toga, dodatni koruptivni rizik predstavlja i činjenica da je nejasno na koji način je postignut dogovor sa licima koja su pristala da pređu iz drugih zdravstvenih ustanova i da zasnuju radni odnos u JU Opća bolnica „Prim. dr. Abdulah Nakaš“, pa se s tim u vezi nameće zaključak da se radi o izboru koji je potencijalno netransparentan i može dovesti do pogodovanja tačno određenim licima, a sam po sebi bi značio izmirivanje ličnih obaveza koje izabrani ljekari imaju prema svojim matičnim zdravstvenim ustanovama, posebno uzimajući u obzir činjenicu da se radi o zdravstvenim ustanovama, a shodno tome i obavezama, koje su nastale van teritorija Kantona Sarajevo.

Shodno navedenim konstatacijama, predlažemo da se preispita osnovanost donesenih amandmana, čija provedba je upitna sa aspekta usklađenosti sa važećim propisima koji regulišu predmetnu oblast.

S poštovanjem,

PO OVLAŠTENJU ŠEFA UREDA

Faruk Šahbegović

Dostaviti:

1. Naslovu,
2. Stručna služba Vlade,
3. a/a.